

sed ita tamen retinendi sunt, ut eorum error latius manare non possit, neque ceteri ex eorum societate detrimenti aliquid accipient.

## T I T U L U S VII.

### *De libris improbatæ lectionis.*

- I. Quam grave ex pravorum librorum lectione malum.
- II. Horum librorum lectio merito ab Ecclesia vetita.
- III. Cautio in ea re Hebræorum, Ethnicorum, Sectarum omnium.
- IV. Pravorum lectio librorum ab Ecclesia vetanda est.
- V. Ab Ecclesia speciatim notandi sunt libri, qui legi nequeunt.
- VI. Doctrina in aliquo libro ab Ecclesia damnata ab omnibus damnanda est.
- VII. Quomodo Summus Pontifex pravos libros condemnat?

### S. I.

**N**on societas tantum, & consuetudo hæreticorum, eorumque omnium, qui male de religione sentiunt, atque à veritate discrepant, sed etiam pravorum lectio librorum nobis vehementer obest, moresque vitiat, & à rectis vivendi, atque credendi regulis abducit. Itaque ut à perniciosa refugimus societate, ita nobis abstinentum est à pravis libris, quorum præceptis imbui legendu possumus, atque ad eorum mores, consuetudinemque deduci (1). Imo gravius est, quod ex pravis libris, quam quod ex pravo sermone accipimus, detrimentum. Nam quæ legimus altius, quam quæ loquendo audivimus, hærent impressa animo, & difficilius è memoria elabuntur.

(1) Adversus vetitam pravorum librorum lectionem multa scripsere Protestantes, aliique complures, quibus nulla religio est, quique ager ferunt, eripi ex manibus hominum libros, à quibus ipsi in errorem deducantur, eorumque mores depraventur. Jacobus Laurentius an. 1719. Amstelædami dissertationem edidit "de Libris Gentilium, Judæorum, Turcarum, Patrum, Pontificiorum tolerandis, Protestantium vero prohibendis." Daniel Francus sub disciplina Jacobi Thomasii an. 1666. exercitationem evulgavit de Indicibus Papistarum expurgatoriis, quam valde auctam an. 1684. iterum edidit Lipsiæ cum titulo "Disquisitio academica de Papistarum indicibus librorum prohibitorum, & expur-

, gatoriorum, in qua de numero, auctoribus, occasione, contentis, fine, & jure indicum illorum disseritur. In eodem argumenti genere versati sunt Bernardus Von Sanden, cuius est: "Exercitatio Theologica de indicibus librorum prohibitoris, & expurgatoriis apud Pontificios, Jo-nas Conradus Schramm, à quo edita est disputatio de Librorum prohibitorum indicibus, horumque utilitate, & abusu." Justus Hennigius Bohemerus, cuius dissertatio de Jure circa libros improbatæ lectionis ad l. 4. §. 1. ff. Famil. ercisc. prodiit an. 1724. Halæ Magdeburgicæ, quam deinceps ipse Bohemerus inseruit Juri Ecclesiastico t. 4. l. 5. tit. 7. de Hæret. §. 67. ad 124., Christopherus Schoettgenius, qui Dresdæ evulgavit commentarios quinque, quorum tres sunt "de Indicibus librorum prohibitorum, & expurgandorum, quartus de Nævis litterariis, quintus de Nævis politicis Indicum prohibitorum, & expurgatoriorum, præterea tractatum de Expurgatione Pontificia librorum prohibitorum." Est etiam Arnaldi opus, quod anno 1771. in Italicum sermonem conversum Venetiis prodiit delle Proibizioni de' libri. In eodem luto hæsitan Voltairius, Aueter litterarum Judaicarum, itemque Auctor libelli, cui titulos *Essai sur la liberté de produire ses sentiments*, aliique similes, qui bellum religioni, bonisque moribus indixerunt. Ecclesiæ potestatem vetandi lectionem pravorum librorum, præter duos Protestantes Danielem Colberum, & Andream Kunadium, in discrimen revocare ausi sunt Paulus Sarpius, Fevronius, & paucis ab hinc annis Camillus Nanettus Antecessor Patavinus, ejus anno 1767. Venetiis editi "Avvertimenti politici istorici canonico-legali ai Principi Cristiani intorno all' uso della loro potestà sulle cose ecclesiastiche, e sacre, item auctor operis La Chiesa, e la repubblica dentro i loro limiti." Sed de pravorum librorum merito vetita lectione, deque Ecclesiæ, & Romani Pontificis in eo negotio potestate solide, graviterque desseruerunt Gabriel Putherbeus "Theotimum sive libri tres de Expurgandis malis libris, Jacobus Gretserus de Jure, & modo prohibendi, expurgandi, & abolendi libros hæreticos, & noxios, qui deinceps scripsit, etiam hujus operis Supplementum, ac denique Epimetrum seu Autarium ad opus, & supplementum de Jure, & modo," quæ omnia extant tom. 13. operum ipsius Gretseri, quæ anno 1734. edita sunt Ratisbonæ; Theophilus Rainaudus "Erotemata de malis, ac bonis libris, deque justa, aut injusta eorumdem confixione," quod opus descrip-tum est inter cerera Raynaudi opera Lugduni edita an. 1665. tom. II. Multa etiam, & præclara eadem de re collegit Joannes Baptista Brachiis in egregio opere de Libertate Ecclesiæ t. 3. c. 26.; multa item in medium allata sunt à Mariano Ruelio Carmelita, qui Arcadicò nomine Gilasci Eutelidensis edidit "Saggio dell' Istoria dell' Indice Romano, de libri prohibiti, atque ab Alphunso de Liguoro Episcopo de Justa, prohibitione, & abolitione librorum nocuæ lectionis." Sed omnium copiosissime, accuratissimeque totum hoc argumentum pertractavit Cl. Zaccaria, qui primum edidit dissertationem, quæ extat t. 3. Annal. li-ter. Ital. l. 1. c. 13., deinceps vero anno 1777. peculiare opus, cui ti-

tulus *Storia polemica delle proibizioni de libri.* Habes hoc opere uno in conspectu positum quidquid ad justam nocuorum librorum prohibitionem, Ecclesieque, & Romani Pontificis in ea re potestatem ostendam, atque ad hæreticorum , aliorumque similium commenta refutanda pertinet. Videndi sunt etiam Gauchatus *Let. crit. t. 4. let. 41.*, Valsechius dei *Fondamenti della Religione è dei fonti dell'empia* l. 3. par. 3. c. 3. & 4., & Cl. Mamachius *ad auctor. opp. Quid est Papa?* §. 22. t. 1. p. 304. & seq., à quibus ea de re multa sunt præclare, ac solide animadversa.

§. II. Recte igitur, & sapienter Ecclesia , cujus est curare , ut cunctis sana religio , moresque integri sint, & omnis mali , atque erroris auferatur occasio , lectionem vetat librorum , quos rectis moribus, ac fidei integritati noxiis esse animadvertisit. Quin etiam , ut omnis in re tam gravi damni suspicio , & periculum arceatur , ne retineri quidem sinit eos libros , quos aliquis legere curiosus, atque imprudens , & à quibus infici errore potest. Qua in re Ecclesia non tantum prospicit, & consulit saluti , atque utilitati Christianorum, sed etiam ab impetu , & furore perditionis hominum virtutes vindicat , & veritatem sanctissimæ religionis , quam si Dei filii esse volumus , venerari , diligere , vereri debemus. An non Ecclesiæ testimonio , & auctoritate tueri oportet sanctitatem , ac veritatem Religionis ; an non merito censura notantur , qui eam odio habent , contemnunt , irrident (1)?

(1) Utrumque hoc argumentum late , & egregie persequitur Zaccaria l. c. l. 2. *Dissert.* l. c. 1. 2. 3., ubi etiam recensentur libri , quorum lectio merito improbatur.

§. III. Atque hic sane mos fuit Hebræorum (1). Ethnicorum (2), sectarum omnium (3), è medio tollere , atque etiam comburere libros , qui eorum religioni , bonisve moribus adversarentur. Niimirum recte omnes intelligebant , quantum religio , quantum mores , atque ipsa res publica caperet detrimenti ex lectione librorum , qui in omnium manibus impune , ac sine delectu versarentur. An non catholicis adhibenda erit cautio tam salutaris , tam necessaria , probata consensu Patrum (4), & Ecclesiæ disciplina (5), ne quis eorum abstrahatur à veritate , quæ tantum in Catholica Ecclesia est.

(1) Narrat Michael Glica 2. p. ann. p. 182. ed. Paris. 1660. in *Bryzant. histor. collect.* , qui Eusebium laudat , quod Ezechias Rex libros aliquot , qui Salomoni tribuebantur , comburi jussit , ne forte populus ex eorum lectione in idololatriam raperetur. Sed quanta in librorum lectione cautio esset , & provisio Hebræorum , ostendit in primis agendi ratio , quæ in ipsis sacris Bibliis adhibebatur. Niimirum adolescentes , qui nondum trigesimum ætatis annum attingerant , uti scribit Hieronymus *Proœm. in Comment. ad Ezech.* opp. t. 5. col. 3. ed. cit. , aut potius ex vigesimo anno non excesserant , uti tradit Gregorius Nazianzenus *Apolog.* opp. t. 1. p. 21. ed. fol. 1690. , legere non sinebant Genesim , quædam Ezechieliis capita , & librum Canticæ , quod etiam memoriarum prodidit Origenes *Prologo in Cant.* opp. t. 3. p. 26. ed. Paris. 1740. ne forte , ut inquit Auctor librorum *de Vit. contemplat.* , qui olim Prospero tribuebantur , nunc Julianus Pomerio adscribuntur , l. 3. c. 6. n. 6. in append. opp. 5. *Prosperi* p. 55. ed. Paris. 1711. , “hæc spiritualia secundum carnem adhuc carnales acciperent , nec virtutes cogitarent , quas mulieres illæ (quarum scilicet in iis libris mentio est) significant , sed ipsas cogitando carnaliter detinirent ; propterea consulto juniores legere sunt illa prohibiti , quæ si cut spiritualiter accepta vivificant , ita carnaliter intelligentibus ipsa carnalis intelligentia occasionses carnalis concupiscentiæ subministrat.”

(2) Abderitem Protagoram , quod in principio libri sui sic posuerat: *de Diis neque ut sint , neque ut non sint , habeo dicere*, Atheniensium jussu urbe , atque agro exterminatum fuisse , librosque ejus in concione combustos , scribunt Cicero *de Natur. Dæor.* l. 1. n. 23. opp. t. 2. p. 525. ed. Oliveti *Genovæ* 1743. , & Lactantius *de Ira c. 9.* p. 142. t. 2. ed. Paris. 1748. Sed Romanorum in primis magna fuit cura , & solicitude removendi , tollendique libros , & cetera , quæ mores hominum depravare , eosque à religione avocare possunt. Multa ejus rei monumenta sunt apud Livium lib. 25. c. 1. t. 3. p. 939. l. 39. c. 16. l. 40. c. 29. t. 5. pag. 330. & 490. ed. Drakenborchii *Lugd. Bat.* 1743. Valerium Maximum lib. 1. c. 1. t. 1. p. 23. ed. Torrenii *Leidae* 1726. , Svetonium in *August.* c. 31. n. 1. p. 225. t. 1. ed. Leovardiae 1714. , Senecam *Controv. proœm.* l. 5. t. 3. opp. p. 348. ed. Amstel. 1682. , Taeitum *Annal.* l. 4. n. 35. & l. 14. n. 50. p. 597. t. 1. & p. 735. t. 2. ed. Ven. 1708.

(3) Catholicorum libros ab Arianis , ac præsertim Gregorio Cappadoce Patriarcha Alexandrino , Genserico , & Unnerico Vandalorum Rege , ab Iconoclastis crematos fuisse , testantur Athanasius *Encyclica ad Episcop. ab Ep. ad Orthodox. de perseq. exxit. n. 3.* opp. t. 1. p. 90. ed. Pat. 1777. Victor Vitenis *de Perseq. Vandal.* l. 2. n. 12. p. 16. & l. 4. n. 2. p. 66. ap. Ruinart. *Hist. Pers. Vand.* ed. Paris. 1694. , Theodorus Studites *Ep. ad Patriarch. Alex.* apud Baronium *ad ann. 817.* n. 27. t. 13. *Annal.* p. 599. ed. *Lucæ.* Notum est , Lutherum corpus *Juris Canonici* igni tradidisse : quid actum ab Anabaptistis fuerit , narrat Sleidanus *lib. 10.* , quid à Calvinianis , patet ex eorum synodo apud Schultingum *lib. 9.* *Anacris.* pag. 31. Quin etiam Hæretici tollendos , removendosque curarunt libros aliorum hæreticorum , qui ex diversis sectis essent. Gaspar Radecherus *Lu-*

theranus ea de re libellum Vitembergæ edidit anno 1556., ut conficeret, à Magistratu tollendos esse libros eorum omnium, qui Lutherani non essent, quem librum memorat Gretserus in Epist. seu Auctar. ad opus de Libr. nov. prohiben. c. 1. Revera Lutherani magnopere restiterunt Sacramentiorum libris, uti narrat Hospinianus Hist. sacram. p. 11., itemque libris Zuinglianorum, & Calvinianorum, qua de re cum Calviniani quererentur, responsum ab illis est in Refut. ortodox. consens. p. 14. "jam quod conueruntur aliquibus in locis, libris Zuinglianorum, & Calvinistarum locum datum non esse, vel Theodosii, Valentini, & Marcianni piissimorum Imperatorum exempla, qui ne quis Nestorii, Eutychetis, & Apollinistarum libros describeret, aut legeret, edixerunt... nos, trorum Principum pia mandata excusant." Idem à Calvinianis adversus Lutheranorum libros factum est, quod multis collectis exemplis ostendit Zaccaria l. c. Dissert. 1. c. 7.

(4) Confer S. Dionysium Alexandrinum apud Eusebium Histor. l. 7. c. 7. p. 326. ed. Valesii Cantabrig. 1720. S. Hieronymum Ep. 84. & 107. col. 287. & 682. t. 1. ed. Vallarsii Verone, Theodorum Studitam lib. II. ep. 167. p. 658. ed. Paris. Sirmondi 1696.

(5) Cum Paulus divinum verbum Ephesi nuntiaret, *multi ex eis*, qui fuerant curiosa sectati, contulerunt libros, & combusserunt coram omnibus, uti scriptum est in Act. Apostol. XIX. Insigne hoc monumentum esse monet Gretserus de Jur. & mor. prohib. l. 1. c. 5. moris Ecclesiæ pravos eripieendi libros ex manibus Christianorum. Canon Apostolorum 52. 59 & 60., apud Cotelarium PP. Apostol. t. 1. p. 430. ed. Amstelædami 1724. divulgari vetat falsos inscriptos impiorum libros, itemque libros schismaticorum a S. Cypriano vetitos fuisse, constat ex ejus ep. 45. p. 231. ed. Amstelædami 1700. p. 128., Arii Thalia à Patribus Concili Niceni condemnata fuisse, scribunt Socrates Hist. lib. 1. c. 21. p. 40. ed. Valesii Cantabrig. 1720., & Nicephorus lib. 8. c. 18. p. 569. t. 1. ed. Paris. 1630., quod Patrum decretum ab omnibus observari jussit Constantinus edicto, quod memorat Sozomenus loc. cit., describit autem Socrates similiter laudato loco. Concilio Carthaginensi IV. apud Gratianum can. 1. dist. 37. cautum est, ut Episcopus Gentilium libros non legat; hereticorum autem pro necessitate, & tempore. Quid dicam de Origenis libris? Eos sane plures damnatos, lectionemque eorum vetitam fuisse testantur Sozomenus Histor. l. 8. c. 14. p. 343., Socrates lib. 6. cap. 9. p. 324. ed. cit., & Hieronymus l. 2. Contr. Rufin. n. 22. t. 2. col. 515. ed. cit., Confer etiam Africæ Episcoporum litteras contra Pelagii libros ad Innocentium I. apud Constantium Epist. Rom. Pont. col. 884., itemque litteras PP. Concilii Ephesini contra libros Nestorii ad Theodosium, & Valentianum Imperator. Act. I. t. 3. concil. col. 1102. collect. Labbe, præterea S. Leonem M. Ep. 15. ad Turibium c. 15. & 16. opp. t. 1. col. 706. ed. Ballerini, ubi in Hispaniis in uno lectionis usu haberi jubet Priseillianistarum libros, atque apocryphas scripturas non solum interdicendas esse pronuntiat, sed etiam penitus auferendas, atque ignibus concreendas; quod idem ipse Romanæ fecerat adversus Manichæorum libros, sicuti

narrat Prosper in Chronic. col. 749. ed. Paris. 1711. Mitto cetera, ne nimius sim. Tantum indicabo celebre decretum Gelasii Pontificis, quod pertinet ad exitum saeculi V., & quod vel unum ostendit, quanta jam esset ea ætate cura, & solicitude Sedis Apostolicæ, ne in Christianorum manibus versarentur libri, ex quibus ipsi danni aliquid accipere possent. De hoc decreto copiose disserit Zaccaria l. c. l. 1. ep. 2., ubi etiam plura habes monumenta, quæ ad rem nostram pertinent. Videndi sunt etiam Binghamus Orig. eccles. l. 16. c. 2. §. 14. p. 103. seq. t. 7. ed. Halæ Magdeburg. 1761., & Mamachius ad auctor. op. Quid est Papa? ep. 3. §. 22. t. 1. p. 304. seq.

§. IV. Jamvero quemadmodum leges, quibus pravorum lectio librorum interdicitur, huc spectant, ut omnibus sancta, integra, inviolata Religio sit, damnumque arceatur, & periculum animarum, ita totum hoc negotium pertinet ad ecclesiasticam potestatem, cuius curam, diligentiamque desiderant sanctitas religionis, atque animarum salus. Et quoniam religioni infertur injuria, animi imbuuntur erroribus, sive publice, sive privatum hi libri legantur, imo privata lectio, quæ fieri diligentius solet, plus affert detrimenti; idcirco utraque lectio vetanda est ab ea potestate, quæ homines deterreat ab iis, quæ in aperto, ac propatulo, quæque in occulto fiunt. Atqui tantum ecclesiastica potestas, quæ animis imperat, & eos poena constringit, efficere potest, ut se homines ab iis abstineant, quæ non solum in luce, & conspectu omnium, sed etiam in abdito, atque in tenebris fugienda sunt.

§. V. Cunctos generatim libros, qui religioni, & moribus officiunt, procul à nobis esse oportere, omnes facile intelligunt, quibus cordi religio, & integritas morum est. Sed nisi Ecclesiæ iudicio constaret, quos speciatim libros legere sine periculo liceat, quos contra fugere oporteat, cuncta essent incerta, & unius, alteriusve libidini commissa; ac sæpe quis imprudens, & ignarus libros legeret perniciosos, quos salutares putabat, erroresque combiberet, qui semel infixi animo sæpe nunquam deponuntur. Quare Ecclesia designat libros religioni, bonisque moribus inimicos, hos legi, atque etiam retineri vetat, & poenas etiam, addit, quæ animum affligunt, ut timor non ex hominum iudicio, quod facinoris occultatio fallit, sed ex peccati conscientia exoriatur (1).

(1) Atque ita sane omni ætate observatum est, scilicet pravorum lectio librorum semper ab Ecclesia vetita est, ut paulo ante demonstravi not. 5. & latius ostendit Zaccaria l. c. Epoc. 1. ad 7. & Dissert. 2. Quædam disfuto, haud equidem inferior, etiam laicos Principes cavere suis legibus posse, ne quis legat, retineatve libros, qui adversantur iis rebus, quæ eorum curæ, potestati, administrationi commissæ sunt. Verum hæ leges sunt ad instar reliquarum legum civilium, quæ tantum poenis temporalibus repugnantes coercent, quæque vim exserunt suam in ea regione, in qua conditæ sunt. Ecclesia tantum est vetare libros, qui religioni, bonoque spirituali adversantur, ejusque leges poenas quoque irrogant spirituales, & ubique Christianos obstringunt. Quod si interdum à laico Principe vetiti sunt Hæreticorum libri, id quidem factum est, posteaquam illi Ecclesia judicio vetiti jam, damnataque fuerant. Arii libros jam signi tradiderant Nicæni Patres, antequam eos Constantinus edicto proscriberet. Theodosius Jun., & Valentinianus Nestorii libros improbarunt; sed hi Synodo Ephesina anathematizante fuerunt condemnati, ut inquit Liberatus Diaconus in Breviar. c. 10. p. 44. ed. Garnerii Paris. 1765. Confer S. Cælestinum Ep. 13. ad Nestorium n. 2. seq. col. 1115. seq. apud Constantium Epistolar. Roman. Pontific. & Epist. Joan. Antiocheni, quæ est 3. inter Cælestinianas 3. n. 2. ibid. c. 1283. Similiter in Capitularibus Caroli M. I. 1. c. 73. apud Baluzium t. 1. col. 482. ed. Ven. 1772. quidam libri improbantur; sed antea simile Zaccaria Pontifice decretum emissum fuerat, ut observat Phithoeus Glosar. ad Capitular. verb. Tracratius catholici t. 2. col. 512. Ac ne omnia prosequar, nonne Leo X. Lutheri libros condemnavit? Ideam postea factum est à Carolo V., sed his primum edicto monuit, ea scripta esse à Summo Pontifice auctoritate sua Apostolica, ut premittitur, damnata. Theodosius primus cum seductus à Chrysaphio Monothelita fuisse (vide 3. P. Concil. Chalced. c. 10. t. 4. Concilior. Labbæi ed. Ven. col. 1807.) Theodoreti scripta nondum ab Ecclesia improbata damnavit. Verum Chalcedonense Concilium, ut constat ex Act. 8. t. 4. Concil. col. 1522. collect. Labbæi, nulla Imperatoria legis habita ratione Theodoretum absolvit, suæque Sedi restituit; deincepsque eamdem legem Valentinianus, & Marcius abrogarunt declarantes, "quod, injusta sententia nihil obsit Eusebio quoque, & Theodoreto religiosis Episcopis, qui eadem lege continentur, quoniam non possunt sacerdotes constitutione damnari, quos synodicum ordinat de conservata religione decretum Concilium Chalcedonense part. 3. c. 11. col. 1; 10. t. 4. cit. collect." Quid? Enoticon Zenonis, Ecclæsim Heraclii, ac Typum Constantis nonne semper Ecclesia despexit, atque rejicit? Sæpe etiam laici Principes gravissimas contra hæreticos edidere leges, verum rogatu Ecclesiae, quæ civilibus quoque poenis in hæreticos animadverti curavit, ut facilius eorum audacia coerceretur. Ita Imperatorum (Arcadii, & Honorii) scripta, quæ de Alexandria, & Egypto Origenistas pelli jubent Hieronymo, ut ipse inquit cont. Rufin. 2. l. c. 2. app. t. 2. col. 468. ed. Vallarsii Veronæ, suggestente dictata sunt. Hier-

ronimus autem sine dubio hoc mandatum acceperat ab Anastasio I. P., qui illud Imperatorum edictum responsa tantum appellat Ep. 3. apud Labbaum t. 2. Concil. col. 1432. Ephesini Patres ad Theodosium, & Valentinianum Imperatores dedere litteras, ut cunctos Nestorii libros comburi curaret. Concilium Ephesinum Act. 1. t. 3. cit. collect. col. 1102. atque Orientales Episcopi Ortodoxi, & Archimandritæ Constantinopolitanæ, ut patet ex Concilio Constantinopolitano sub Menna habito ann. 536. t. 5. Conc. col. 1006. cit. collect. Agapitum P. rogarunt, ut à Justiniano contra Severi libros edictum impetraret.

§. VI. Ecclesiastica autem potestas, à qua damnantur, improbanturque libri, ex quibus religio & mores detrimentum capiunt, est ipsa Ecclesia, & Summus Pontifex Ecclesiæ caput (1). Alterutrius judicio, & auctoritate opus est, ut omnes per totum Christianum orbem lege obstringantur, quodque ab iis editum est judicium neque falli, neque fallere quemquam potest. Quare sive aliquis damnatus error fuerit (2), sive definitum in libro errorem inesse (3), sive speciatim, sive generatim, atque, ut ajunt, in globo proscripti errores fuerint (4); quidquid à Summo Pontifice, aut ab Ecclesia sive sparsa per terrarum orbem universum, sive in Synodus congregata pronunciatum, sanctumque est, apud omnes veritatis loco esse debet. Episcopus etiam, ac provinciale Concilium damnat, legique vetat libros, quos noxios esse animadvertisit, sed ejus leges circumscribuntur terminis dioceseos, aut provinciæ, in qua latæ sunt, & errori subesse possunt.

(1) Ne omnia colligam monumenta pontificia potestatis in damnidis, vetandisque libris religioni, bonisque moribus inimicis, quod operæ esset, scriptioisque longioris, quodque egregie præstitit Cl. Zaccaria libro indic. pauca tantum indicabo, quibus cognitis facile erit de ceteris judicare. III. sec. ad Pontianum Pontificem libri Origenis missi fuerunt, ut damnarentur. Confer Constantium in Pontian. §. unic. n. 1. col. 116. & in Fabian. §. t. n. 1. col. 117. Confer etiam Anastasium I. ep. ad Joan. Hierosolimit. apud eundem Constantium ep. Roman. Pontific. col. 726. Ad Ianocentium I. Summum Pontificem præstantissimi quinque Africae Episcopi dedere litteras, ut Pelagi librum condemnaret. "Anathemet ergo (inquit illi apud Constantium epist. Roman. Pontific. col. 884.) Pelagius scripta sua... Aut si sua esse negat, aut scriptis suis ab inimicis suis dicit immissa; que sua esse negat anathemet et tamen, & damnet paterna exhortatione, & auctoritate Sanctimonie tua... Si enim cogoverint (Pelagli socii) eundem librum, quem illius vel